



შსს საპატრულო პოლიციის დეპარტამენტი

სატენდერო დოკუმენტაცია

**სხვადასხვა სახის პოლიეთილენის ტომრების და გადასაფარებლის შესყიდვა
გამარტივებული ელექტრონული ტენდერის საშუალებით**

ქ. თბილისი 2013 წ.

ინსტრუქცია ტენდერში მონაწილეობის

1.1 სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება „გამარტივებული შესყიდვის გამარტივებული ელექტრონული ტენდერისა და ელექტრონული ტენდერის ჩატარების წესის“ შესაბამისად.

1.2 **გამარტივებული ელექტრონული ტენდერის ან ელექტრონული ტენდერის** გამოცხადებისთანავე, თქვენ გეძლევათ საშუალება გაეცნოთ სატენდერო განცხადებას და დოკუმენტაციას. სატენდერო წინადადების მიღება იწყება წინადადების მიღების ვადის დასრულებამდე **გამარტივებული ელექტრონული ტენდერის შემთხვევაში 2 სამუშაო დღით ადრე**, ხოლო **ელექტრონული ტენდერის შემთხვევაში 5 დღით ადრე**.

1.3 სატენდერო წინადადების წარდგენისათვის უნდა იყოთ დარეგისტრირებული სისტემაში მიმწოდებლის სტატუსით. შემდეგ ვალდებული ხართ გაეცნოთ აფიდავიტს და დაეთანხმოთ მას (გაცნობას და თანხმობას ადასტურებთ სისტემის მეშვეობით).

1.4 ამის შემდეგ, მიმწოდებელი ვალდებულია ჯერ წარმოადგინოს სატენდერო წინადადების უზრუნველყოფის ელექტრონული გარანტია, ხოლო შემდეგ გადაიხადოს ტენდერში მონაწილეობის საფასური, აღნიშნული ქმედებები განხორციელებული უნდა იქნას ელექტრონულად სისტემის მეშვეობით. სატენდერო წინადადების უზრუნველყოფის ელექტრონული გარანტია უნდა იქნას წარმოდგენილი სატენდერო განცხადებაში მითითებული სავარაუდო ღირებულების 1%-ის ოდენობით, რომლის მოქმედების ვადა უნდა განისაზღვრებოდეს სატენდერო განცხადებაში მითითებული ვადის შესაბამისად. ტენდერში მონაწილეობის საფასური შეადგენს 50 ლარს.

1.5 მას შემდეგ, რაც ზემოაღნიშნულ ქმედებებს განახორციელებთ, თქვენ უფლება გაქვთ სისტემის მეშვეობით წარადგინოთ სატენდერო წინადადება, რომელიც ძალაში იქნება „გამარტივებული შესყიდვის გამარტივებული ელექტრონული ტენდერისა და ელექტრონული ტენდერის ჩატარების წესის“ მე-2 მუხლის პირველი პუნქტის „ჟ“, „რ“ ან „ტ“ ქვეპუნქტებით გათვალისწინებული ეტაპების დადგომამდე.

1.6 სატენდერო წინადადება შედგება სატენდერო წინადადების ფასისგან და ტექნიკური დოკუმენტაციისგან.

1.7 ტექნიკური დოკუმენტაცია არის პრეტენდენტის მიერ სისტემაში ატვირთული შესყიდვის ობიექტისა და პრეტენდენტის შესახებ ნებისმიერი სახის ინფორმაცია, რომელიც მოთხოვნილია სატენდერო განცხადებითა და სატენდერო დოკუმენტაციით, გარდა ადმინისტრაციული ორგანოდან წარმოსადგენი საკვალიფიკაციო მონაცემების დამადასტურებელი დოკუმენტებისა.

1.8 ტექნიკური დოკუმენტაციის ატვირთვის შემდეგ, თქვენ გაქვთ შესაძლებლობა მიუთითოთ თქვენი სატენდერო წინადადების ფასი, რომელიც არ უნდა აღემატებოდეს შესყიდვის ობიექტის სავარაუდო ღირებულებას. სატენდერო წინადადების ფასი წარმოდგენილი უნდა იყოს კანონმდებლობით გათვალისწინებული ყველა გადასახადისა და ტრანსპორტირების ხარჯის გათვალისწინებით.

1.9 სატენდერო წინადადების ფასის მითითებისთანავე თქვენ უფლება გაქვთ მიიღოთ მონაწილეობა ელექტრონულ ვაჭრობაში, რომელიც იყოფა ძირითად დროდ და დამატებით 3 რაუნდად.

1.10 ძირითად დროში უფლება გაქვთ ცვალოთ თქვენი ფასი, კლებადობის პრინციპის გათვალისწინებითა და შემსყიდველის მიერ განსაზღვრული ბიჯზე არანაკლები ოდენობით.

1.11 ბიჯი არის სატენდერო წინადადების ფასის კლების წინასაწარ განსაზღვრული მინიმალური ოდენობა, რომელიც მითითებულია სატენდერო განცხადების შესაბამის ველში.

1.12 დამატებითი რაუნდების თითოეულ რაუნდში პრეტენდენტს უფლება აქვს მხოლოდ ერთხელ შეამციროს წინადადების ფასი, რისთვისაც განესაზღვრება ორი წუთი. დამატებით რაუნდებში მონაწილეობა სავალდებულო არ არის და პრეტენდენტს უფლება აქვს რაუნდში

მონაწილეობა არ მიიღოს და შესაბამისად, ძალაში დარჩება მის მიერ ბოლოს დაფიქსირებული ფასი. რაუნდებში მონაწილეობის მიღება გულისხმობს ზემოთ აღნიშნული პრინციპით ფასის შემცირებას ან მის იგივე ოდენობით დატოვებას.

1.13 პირველ რაუნდში პრეტენდენტის მიერ წინადადების ფასის წარდგენის რიგითობა განისაზღვრება ძირითად დროში წარდგენილი წინადადების ფასის მიხედვით, კერძოდ, პირველ რაუნდში ბოლო შეთავაზებას აკეთებს ის პრეტენდენტი, რომელმაც ძირითად დროში ყველაზე დაბალი ფასი დააფიქსირა, ხოლო ყოველ მომდევნო რაუნდში - კი ის პრეტენდენტი, რომელმაც წინა რაუნდში ყველაზე დაბალი ფასი დააფიქსირა. წინადადების თანაბარი ფასების დაფიქსირების შემთხვევაში, რაუნდში ბოლო შეთავაზებას აკეთებს ის პრეტენდენტი, რომელმაც პირველმა დააფიქსირა ასეთი ფასი.

1.14 მას შემდეგ, რაც დასრულდება დამატებითი რაუნდები, სისტემა პრეტენდენტებს აჯგუფებს სატენდერო წინადადების ფასის მიხედვით. ამის შემდეგ შემსყიდველი ორგანიზაციის მიერ მოწმდება ყველაზე დაბალი ფასის მქონე პრეტენდენტის ტექნიკური დოკუმენტაცია.

1.15 იმ შემთხვევაში თუ ორი ან მეტი პრეტენდენტის მიერ სისტემაში მითითებულია თანაბარი ფასი, სისტემა ავტომატურად ანიჭებს უპირატესობას იმ პრეტენდენტს, რომელმაც პირველმა მიუთითა სატენდერო წინადადების აღნიშნული ფასი.

1.16 თუ პრეტენდენტის მიერ წარმოდგენილი ტექნიკური დოკუმენტაცია არ შეესაბამება სატენდერო განცხადებისა და სატენდერო დოკუმენტაციის მოთხოვნებს, შემსყიდველი მას განუსაზღვრავს არაუმეტეს 3 სამუშაო დღისა ტექნიკური დოკუმენტაციის დაზუსტებისათვის. დაუშვებელია ტექნიკური დოკუმენტაციის ისეთი დაზუსტება, რომელიც გამოიწვევს სატენდერო წინადადების არსებით ცვლილებას და მოახდენს გავლენას წინადადების ფასზე.

1.17 თუ პრეტენდენტის სატენდერო წინადადება შეესაბამება სატენდერო განცხადებისა და სატენდერო დოკუმენტაციის მოთხოვნებს, შემსყიდველი ორგანიზაცია მიმართავს მას ადმინისტრაციული ორგანოს მიერ გასაცემი საკვალიფიკაციო მონაცემების დამადასტურებელი დოკუმენტების წარმოდგენის მოთხოვნით (რომელიც მოთხოვნის შემთხვევაში მოთხოვნილი იქნება სატენდერო განცხადებითა და/ან დოკუმენტაციით). საკვალიფიკაციო მონაცემების დამადასტურებელი დოკუმენტების გაცემის თარიღი **გამარტივებული ელექტრონული ტენდერის შემთხვევაში არ უნდა უსწრებდეს ტენდერის გამოცხადების თარიღს, ხოლო ელექტრონული ტენდერის შემთხვევაში არ უნდა უსწრებდეს სატენდერო წინადადების მიღების ვადის დაწყების თარიღს.** საკვალიფიკაციო მონაცემების წარმოდგენისათვის შემსყიდველი პრეტენდენტი განუსაზღვრავს ვადას არაუმეტეს 5 სამუშაო დღისა. კონკრეტული შესყიდვის თავისებურებიდან გამომდინარე, სატენდერო დოკუმენტაცია შესაძლებელია არ შეიცავდეს პრეტენდენტის მიერ საკვალიფიკაციო მონაცემების წარმოდგენის მოთხოვნას.

1.18 იმ შემთხვევაში თუ ყველაზე დაბალი ფასის მქონე პრეტენდენტმა წარმატებით გაირა ყველა ზემოთ მოყვანილი ეტაპი (არ იქნა დისკვალიფიცირებული), ამ პრეტენდენტის მიერ საკვალიფიკაციო მონაცემების დამადასტურებელი დოკუმენტების წარდგენიდან არაუგვიანეს 5 სამუშაო დღისა, შემსყიდველი დებს მასთან სახელმწიფო შესყიდვების შესახებ ხელშეკრულებას.

1.19 პრეტენდენტის დისკვალიფიკაცია ხდება შემდეგ შემთხვევებში:

- ა) თუ პრეტენდენტი უარს განაცხადებს მის მიერ წარმოდგენილ სატენდერო წინადადებაზე;
- ბ) თუ საუკეთესო დაბალი ფასის მქონე პრეტენდენტი არ დააზუსტებს ტექნიკურ დოკუმენტაციას სატენდერო კომისიის მიერ მოთხოვნილ ვადაში.
- გ) თუ საუკეთესო ფასის მქონე პრეტენდენტის ტექნიკური დოკუმენტაცია არ შეესაბამება (ტექნიკური დოკუმენტაციის დაზუსტების შემდეგ) სატენდერო განცხადებისა და სატენდერო დოკუმენტაციის მოთხოვნებს;

დ) პრეტენდენტის მიერ, ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტების წარმოდგენლობის შემთხვევაში;

ე) პრეტენდენტის მიერ ხარვეზის მქონე საკვალიფიკაციო მონაცემების დამადასტურებელი დოკუმენტების წარმოდგენისას.

ვ) თუ გამარჯვებული პრეტენდენტი უარს განაცხადებს ხელშეკრულების დადებაზე ან ვერ წარმოადგენს ხელშეკრულების შესრულების უზრუნველყოფის გარანტიას (ასეთი გარანტიის არსებობის შემთხვევაში) კანონმდებლობით გათვალისწინებულ ვადაში;

ზ) პრეტენდენტის მიერ არაკეთილსინდისიერი ქმედების განხორციელებისას.

1.20 1.19 პუნქტის „ა“, „დ“, „ე“ და „ზ“ ქვეპუნქტებით განსაზღვრული გარემოებების შემთხვევაში სატენდერო წინადადების უზრუნველყოფის გარანტია დაბრუნებას არ ექვემდებარება, ასევე იმ შემთხვევაში როდესაც პრეტენდენტი შეყვანილია შავ სიაში შესაბამისი ტენდერის ჩატარების შედეგად;

1.21 ამ პუნქტის 1.19 ქვეპუნქტით გათვალისწინებულ შემთხვევებში, შემსყიდველ ორგანიზაციას უფლება აქვს მიმართოს ყველაზე დაბალი ფასის მქონე მომდევნო პრეტენდენტს, თუ ამ პრეტენდენტის მიერ სისტემაში ატვირთული ტექნიკური დოკუმენტაცია შეესაბამება სატენდერო განცხადებასა და სატენდერო დოკუმენტაციაში მოცემულ მოთხოვნებს.

1.22 ტენდერის პროცედურების შეჩება/შეწყვეტა:

ა) სატენდერო კომისიას უფლება აქვს შეწყვიტოს ტენდერი თუ ყველაზე დაბალი ფასის მქონე პრეტენდენტის დისკვალიფიკაციის შემდეგ, თუ მომდევნო ყველაზე დაბალი ფასის მქონე პრეტენდენტის წინადადების ფასი ბაზარზე შეცვლილი გარემოებების შედეგად, მნიშვნელოვნად აღემატება დისკვალიფიცირებული პრეტენდენტის მიერ შემოთავაზებულ ფასს ან/და ამ შესყიდვის ობიექტის საბაზრო ღირებულებას.

ბ) სატენდერო კომისიას უფლება აქვს გამარტივებული ელექტრონული ტენდერისა და ელექტრონული ტენდერის შემთხვევებში ხელშეკრულების დადებამდე ნებისმიერ დროს შეწყვიტოს შესყიდვის პროცედურა, თუ ეს აუცილებელი გახდება მისგან დამოუკიდებელი და წინასწარ გაუთვალისწინებელი ობიექტური მიზეზებით, აგრეთვე საქართველოს სახელმწიფო ან/და საზოგადოებრივი ინტერესებიდან გამომდინარე;

გ) შესყიდვის პროცედურების შეწყვეტის შემთხვევაში შემსყიდველი ორგანიზაცია ვალდებული არ არის, პრეტენდენტებს წარუდგინოს კონკრეტული მტკიცებულება ან დეტალური ინფორმაცია, რომლის საფუძველზედაც მიიღო ეს გადაწყვეტილება. შესყიდვის პროცედურების შეჩერებისას ან შეწყვეტისას შემსყიდველი ორგანიზაცია ვალდებული არ არის, აანაზღაუროს შესყიდვაში მონაწილეობასთან დაკავშირებული ხარჯები.

1.23 ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.24 დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.25 სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული უნდა იყოს უფლებამოსილი პირის მიერ.

1.26 ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.27 პრეტენდენტს არა აქვს უფლება წარმოადგინოს ალტერნატიული წინადადება.

ტექნიკური დავალება

ტექნიკური დავალების პირობები გათვალისწინებული იქნება შემდგომში გამარჯვებულ პრეტენდენტთან გაფორმებულ სახელმწიფო შესყიდვების შესახებ ხელშეკრულებაში.

შესყიდვის ობიექტი:

სხვადასხვა სახის პოლიეთილენის ტომრები და გადასაფარებელი, ცხრილში მოყვანილი პოზიციების, რაოდენობებისა და ტექნიკური მახასიათებლებისა შესაბამისად.

№	შესყიდვის ობიექტი	საქონლის ძირითადი მახასიათებლები	განზ. ერთ	რ-ობა
1	პოლიეთილენის გადასაფარებელი	ზომა არანაკლებ - 2.5X1.3 ფერი – ნაცრისფერი.	ცალი	500
2	პოლიეთილენის ტომარა „ა“ ტიპის	პოლიეთილენის ტომარა ნაგვისთვის, ზომა არანაკლებ - 72*95 შეკვრაში არანაკლებ 10 ცალი. ფერი- შავი.	შეკვრა	2500
3	პოლიეთილენის ტომარა „ბ“ ტიპის	პოლიეთილენის ტომარა ნაგვისთვის, ზომა არანაკლებ - 55*60 შეკვრაში არანაკლებ 20 ცალი. ფერი- შავი.	შეკვრა	4500

აუცილებელი პირობა: საუკეთესო (დაბალი) ფასის მქონე პრეტენდენტმა უნდა წარმოადგინოს შემოთავაზებული საქონლის ნიმუშები პოზიციების შესაბამისად.

საქონლის მიწოდების ვადები:

მიმწოდებელმა უნდა უზრუნველყოს საქონლის მიწოდება ხელშეკრულების გაფორმების შემდეგ სატენდერო დოკუმენტაციით გათვალისწინებულ დანართ №1-ში მითითებული ვადებისა და პირობების შესაბამისად.

დაშინანსების წყარო:

სახელმწიფო ბიუჯეტი.

სატენდერო წინადადების ფასი:

- შემოთავაზებული საქონლის ფასი უნდა შეიცავდეს მიმწოდებლის ყველა ხარჯს, მათ შორის ტრანსპორტირების ხარჯს და საქართველოს კანონმდებლობით დადგენილ ყველა გადასახადს.

- შემოთავაზებული საქონლის საერთო და ერთეულის ფასების წარმოდგენა დასაშვებია მხოლოდ ლარებში.
- თუ ელექტრონული ვაჭრობის შედეგად ერთიან ელექტრონულ სისტემაში დაფიქსირებული საბოლოო ფასიდან გამომდინარე ერთეულის ღირებულებები დაჯდება მრავალნიშნა ათწილადი, პრეტენდენტი ვალდებულია გამარჯვების შემთხვევაში ხელშეკრულების გაფორმების მომენტისთვის ერთეულის ღირებულება შეამციროს და დაამრგვალოს მეასედებამდე, შესაბამისად შეამციროს საერთო ღირებულებაც.

ანგარიშსწორების პირობები:

- ანგარიშსწორება მიმწოდებელთან განხორციელდება ლარებში.
- ანგარიშსწორება განხორციელდება საქონლის მიწოდების შემდეგ მიღება-ჩაბარების აქტისა და საქართველოს კანონმდებლობით გათვალისწინებული შესაბამისი დოკუმენტების წარმოდგენიდან 30 საბანკო დღის განმავლობაში.
- ანგარიშსწორების ფორმა იქნება უნაღდო, გადარიცხვა მოხდება მიმწოდებლის საბანკო ანგარიშზე.
- წინასწარი ანგარიშსწორების მექანიზმი არ გამოიყენება.

აუცილებელი პირობა:

- პრეტენდენტის მიერ შემოთავაზებული საქონლის დასახელება, ტექნიკური მახასიათებლები, ასევე რაოდენობა, ერთეულის ფასი და საერთო ფასი მითითებული უნდა იქნას სატენდერო დოკუმენტაციით გათვალისწინებულ დანართი №1-ში (დანართი №1 ატვირთულ უნდა იქნას ერთიან ელექტრონულ სისტემაში).
- პრეტენდენტის მიერ ინფორმაცია შემოთავაზებული საქონლის მიწოდების ვადებისა და პირობების შესახებ მითითებული უნდა იქნას სატენდერო დოკუმენტაციით გათვალისწინებულ დანართ №1-ში ამავე დანართით გათვალისწინებული პირობების შესაბამისად.
- თუ ელექტრონული ვაჭრობის შედეგად ერთიან ელექტრონულ სისტემაში დაფიქსირებული საბოლოო ფასიდან გამომდინარე ერთეულის ღირებულებები დაჯდება მრავალნიშნა ათწილადი, პრეტენდენტი ვალდებულია გამარჯვების შემთხვევაში ხელშეკრულების გაფორმების მომენტისთვის ერთეულის ღირებულება შეამციროს და დაამრგვალოს მეასედებამდე, შესაბამისად შეამციროს საერთო ღირებულებაც.
- დამატებითი რაუნდების დასრულების შემდეგ საუკეთესო (დაბალი) ფასის მქონე პრეტენდენტმა მიმდინარე დღის (13.03.2013) 18:00 საათამდე უნდა წარმოადგინოს შემოთავაზებული საქონლის ნიმუშები პოზიციების შესაბამისად, შემდეგ მისამართზე: ქ. თბილისი კახეთის გზატკეცილი №38.
- პრეტენდენტის მიერ, სატენდერო დოკუმენტაციით გათვალისწინებული დანართი №2-ს შესაბამისად წარმოდგენილ უნდა იქნას (ატვირთულ უნდა იქნას ერთიან ელექტრონულ სისტემაში) ინფორმაცია ორგანიზაციის რეკვიზიტების შესახებ.
- პრეტენდენტის მიერ ტექნიკური დოკუმენტაციის შედგენისას არ უნდა იყოს დარღვეული სატენდერო დოკუმენტაციით გათვალისწინებული დანართების ფორმები და არსებობის შემთხვევაში მათში მითითებული უნდა იყოს აღნიშნული დანართებით გათვალისწინებული აუცილებელი პირობები.
- შემსყიდველის მიერ მოთხოვნილი ყველა დოკუმენტი და/ან ინფორმაცია პრეტენდენტის მიერ ატვირთული უნდა იქნას ერთიან ელექტრონულ სისტემაში.

- პრეტენდენტის მიერ წამოდგენილი (ერთიან ელექტრონულ სისტემაში ატვირთული) ყველა დოკუმენტი ან/და ინფორმაცია ხელმოწერილი ან/და ბეჭედდასმული უნდა იყოს ხელმძღვანელის ან/და უფლებამოსილი პირის მიერ (უფლებამოსილი პირის შემთხვევაში წარმოდგენილ უნდა იქნას (ატვირთულ უნდა იქნას ერთიან ელექტრონულ სისტემაში) ნოტარიულად დამტკიცებული უფლებამოსილების დამადასტურებელი შესაბამისი დოკუმენტ(ებ)ი).
- შემსყიდველის მოთხოვნის შემთხვევაში, მოთხოვნის შესაბამისად პრეტენდენტმა უნდა წარმოადგინოს იმ მოთხოვნილი დოკუმენტების დედანი და/ან ნოტარიულად დამოწმებული ასლ(ებ)ი, რომელიც იყო ატვირთული ერთიან ელექტრონულ სისტემაში.

დამატებითი ინფორმაციის მიღება შესაძლებელია შემდეგი პირებისგან: მარი აბაშიძე: 5 (77) 77 90 50.

ტექნიკურ საკითხებთან დაკავშირებით – დავით არაბული - 5 (77) 77 27 37.

ფასების ცხრილი

დანართი №1

№	საქონლის დასახელება	საქონლის ტექნიკური მახასიათებლები	განზ. ერთ	რ-ობა	ერთ. ფასი	საერთო ფასი	მიწოდების ვადა	მიწოდების ადგილი
1	2	3	4	5	6	7	8	9
1	პოლიეთილენის გადასაფარებელი		ცალი	500			ხელშეკრულების გაფორმებიდან 15 კალენდარული დღის განმავლობაში.	შსს საპატრულო პოლიციის დეპარტამენტის საწყობი, ქ. თბილისი, ქიზიყის ქ. №5
2	პოლიეთილენის ტომარა „ა“ ტიპის		შეკვრა	2500				
3	პოლიეთილენის ტომარა „ბ“ ტიპის		შეკვრა	4500				

შენიშვნა:

- მე-3, მე-6 და მე-7 გრაფები ივსება პრეტენდენტის მიერ.
- მე-3 გრაფაში მითითებულ უნდა იქნას შემოთავაზებული საქონლის დეტალურად გაშიფრული ტექნიკური მახასიათებლები, ასევე კონკრეტული ბრენდი და/ან მწარმოებელი ფირმა (არსებობის შემთხვევაში).

პრეტენდენტის ხელმოწერა

ბ.ა

/

ხელმოწერის სახელი, გვარი

/

რ ე კ ვ ი ზ ი ტ ე ბ ი

პრეტენდენტის დასახელება	
საიდენტიფიკაციო კოდი	
იურიდიული მისამართი	
ფაქტობრივი მისამართი	
ოფისის ტელეფონი	
მობილური ტელეფონი	
ფაქსი	
E-mail	
ხელმძღვანელის სახელი გვარი	
ხელმძღვანელის პირადი №	
მომსახურე ბანკის დასახელება, ბანკის კოდი	
ანგარიშის ნომერი	

პრეტენდენტის ხელმოწერა _____
ბ.ა

/ /
ხელმოწერის სახელი, გვარი

სახელმწიფო შემსყიდველის შესახებ ხელშეკრულების პროექტი

წინამდებარე ხელშეკრულება დაიდო 2013 წლის „ _____ ქობილისში

შემსყიდველი - შსს საპატრულო პოლიციის დეპარტამენტი _____ სახით

მისამართი:

საბანკო რეკვიზიტები:

მიმწოდებელი -	
მისამართი, ტელეფონი -	
დირექტორი -	
საბანკო რეკვიზიტები	

ერთის მხრივ - შემსყიდველი და მეორეს მხრივ - მიმწოდებელი, ადასტურებენ, რომ მათ შორის მიღწეულია შეთანხმება შემდეგ ზე: შემსყიდველმა გამოაცხადა გამარტივებული ელექტრონული ტენდერი შესყიდვაზე:

(საქონლის მოკლე აღწერა)

რომელშიც გამარჯვებულად გამოვლინდა მიმწოდებლის სატენდერო წინადადება, რომლის მიხედვით მან უნდა მიაწოდოს შემსყიდველს ზემოაღნიშნული საქონელი შემდეგ თანხაზე (მოცემული თანხა წარმოდგენილია ერთიან ელექტრონულ სისტემაში დაფიქსირებული საბოლოო თანხის შესაბამისად):

(მიუთითეთ ხელშეკრულების თანხა ციფრებით და სიტყვიერად)

(შემდგომში “ხელშეკრულების ფასი”)

წინამდებარე ხელშეკრულება ადასტურებს შემდეგს:

1. ქვემოთ ჩამოთვლილი დოკუმენტები ქმნიან მოცემულ ხელშეკრულებას და წარმოადგენენ მის განუყოფელ ნაწილს, კერძოდ:

- წინამდებარე ხელშეკრულება;
- ფასების ცხრილი (დანართი №1);
- ტექნიკური დავალება;
- ხელშეკრულების სპეციფიკური პირობები.

შემსყიდველის მხრიდან

მიმწოდებლის მხრიდან

საპაციფიკური პირობები

ერთის მხრივ - შემსყიდველი და მეორეს მხრივ - მიმწოდებელი, ადასტურებენ, რომ მათ შორის მიღწეულია შეთანხმება შემდეგზე:

1. ხელშეკრულების საბაზი

1.1. მიმწოდებელი იღებს ვალდებულებას მიაწოდოს შემსყიდველს ხელშეკრულების დანართი №1-ში (ფასების ცხრილი) აღნიშნული საქონელი ხელშეკრულების პირობების შესაბამისად:

(საქონლის მოკლე აღწერა)

1.2. შემსყიდველი იღებს ვალდებულებას აუნაზღაუროს მიმწოდებელს ხელშეკრულების ფასი ხელშეკრულებით განსაზღვრულ ვადებში და ფორმით.

2. ხელშეკრულების ფასი

2.1. საქონლის დასახელება, ტექნიკური მახასიათებლები, აგრეთვე რაოდენობა, ერთეულის ფასი და საერთო ფასი მოყვანილია დანართი №1-ში (ფასების ცხრილი). რომელიც თან ერთვის აღნიშნულ ხელშეკრულებას და ითვლება მის განუყოფელ ნაწილად.

2.2. ხელშეკრულების ფასი შეადგენს:

(თანხა ციფრებით და სიტყვით)

2.3. საქონლის ერთეულის ფასი და ხელშეკრულების ფასი შეიცავს მიმწოდებლის ყველა ხარჯებსა და საქართველოს კანონმდებლობით დადგენილ ყველა გადასახადს, დაკავშირებულს საქონლის მიწოდებასთან და შემსყიდველის საკუთრებაში გადაცემასთან დანართი №1-ში მითითებულ მისამართზე.

2.4. ფასების შეცვლა შესაძლებელია მხოლოდ მხარეთა წერილობითი შეთანხმების საფუძველზე საქართველოს კანონმდებლობით გათვალისწინებულ შემთხვევებში, მათ შორის:

2.4.1. საქართველოს სამოქალაქო კოდექსის 389 მუხლის საფუძველზე, ეროვნული ვალუტის კურსის აშშ დოლართან მიმართებაში ცვალებადობის მიხედვით აღნიშნული კურსის +/-10%-ზე მეტი ცვლილების შემთხვევაში ამ ხელშეკრულების დადების თარიღისა და მიწოდების თარიღისათვის საქართველოს ეროვნული ბანკის მიერ დადგენილი სავალუტო კურსების შედარებით როგორც ზრდის, ასევე შემცირების შემთხვევაში;

2.4.2. საგადასახადო რეჟიმის შეცვლა, რაც უშუალო ზეგავლენას მოახდენს ამ ხელშეკრულების პირობების შესრულებაზე და გაზრდის ან შემცირებს ფასებს +/-10%-ზე მეტი ოდენობით;

2.5. ხელშეკრულებაში დაფიქსირებული ღირებულების გაზრდის შემთხვევაში მისმა ოდენობამ არ უნდა გადააჭარბოს ხელშეკრულების ღირებულების 10%-ს.

3. ხარისხი

3.1. საქონლის ტექნიკური მახასიათებლები და ხარისხი უნდა შეესაბამებოდეს ამ ხელშეკრულების დანართი №1-ში (ფასების ცხრილი) და ტექნიკურ დავალებაში აღნიშნულ მაჩვენებლებს, ასევე აღნიშნულ შესყიდვასთან დაკავშირებით ჩატარებულ გამარტივებულ ელექტრონულ ტენდერზე წარმოდგენილ ნიმუშებს.

3.2. მიმწოდებელი იძლევა გარანტიას, რომ მის მიერ მიწოდებული საქონელი იქნება ახალი, ქარხნული წარმოების, არ იქნება დაზიანებული (არ გამოავლენს ხარვეზებს), შესაბამისობაში იქნება №1 დანართსა და ტექნიკურ დავალებაში აღნიშნულ მაჩვენებლებთან და იქნება მოხმარებისთვის ვარგისი, წინააღმდეგ შემთხვევაში იგი ვალდებულია საკუთარი სახსრებით თავად უზრუნველყოს აღმოჩენილი დაზიანებული, ასევე უვარგისი და/ან წუნდებული საქონლის შეცვლა შეტყობინების მიღებიდან 2 სამუშაო დღის ვადაში.

4. მიწოდების წესი

4.1. საქონლის მიწოდებას უზრუნველყოფს მიმწოდებელი საკუთარი ხარჯებით, ხელშეკრულების გაფორმების შემდეგ დანართ №1-ში მითითებული ვადებისა და პირობების შესაბამისად.

4.2. მიმწოდებელი ვალდებულია საქონლის მიწოდებისას უზრუნველყოს საქართველოს კანონმდებლობით გათვალისწინებული თანმხლები დოკუმენტაციის სრულად წარმოდგენა.

4.3. მიმწოდებლის მიერ სახელმწიფო შესყიდვების შესახებ ხელშეკრულებისა და მასში შემავალი დოკუმენტების პირობების შესრულებაზე, ასევე შესყიდვის ობიექტის ხარისხზე შემსყიდველის მხრიდან კონტროლს განახორციელებს შსს საპატრულო პოლიციის დეპარტამენტის საკადრო და საფინანსო-სამეურნეო უზრუნველყოფის სამმართველოს, მომარაგების ქვეგანყოფილების უფროსი დავით არაბული.

4.4. შემსყიდველი უფლებამოსილია განაცხადოს უარი დაგვიანებით მიწოდებული, ან უხარისხო (წუნდებული), ან არასრული თანმხლები დოკუმენტაციის მქონე საქონლის პარტიის მიღებაზე.

4.5. საქონლის გადაცემა დასტურდება ორივე მხარის მიერ მიღება-ჩაბარების აქტზე ხელის მოწერით.

4.6. მიმწოდებელი ვალდებულია გადასცეს შემსყიდველს უფლებრივად და ნივთობრივად უნაკლო საქონელი.

5. ანგარიშსწორების წესი

5.1. შემსყიდველი იღებს ვალდებულებას გადაუხადოს მიმწოდებელს ამ ხელშეკრულებით განსაზღვრული ანაზღაურება საქონლის გადაცემის შემდეგ 30 საბანკო დღის განმავლობაში ამ ხელშეკრულების 4.2 და 4.5 პუნქტების მიხედვით წარმოდგენილი საბუთების საფუძველზე.

5.2. ანგარიშსწორების ვალუტა - ლარი.

5.3. გადახდის ფორმა: გადარიცხვა მიმწოდებლის საბანკო ანგარიშზე.

5.4. 5.1 პუნქტის შესრულებისათვის, წარმოდგენილი დოკუმენტაციის სისრულეზე და რეალობაზე პასუხისმგებელია 4.3 პუნქტში მითითებული პირი.

6. მხარეთა პასუხისმგებლობა

6.1. შემსყიდველი უფლებამოსილია ამ ხელშეკრულების 4.1. და/ან 3.2. პუნქტებით გათვალისწინებული ვადების გადაცილების შემთხვევაში, ყოველ კონკრეტულ ფაქტზე დააკისროს მიმწოდებელს პირგასამტეხლო ყოველ გადაგადაცილებულ დღეზე ხელშეკრულების საერთო ღირებულების 0.5 %-ის ოდენობით.

7. ფორს-მაჟორი

7.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

7.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებთან და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

7.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

7.4. ფორს-მაჟორული პირობების გათვალისწინება რეგულირდება მოქმედი კანონმდებლობის შესაბამისად.

8. სხვა პირობები

8.1. ეს ხელშეკრულება ძალაში შედის მხარეთა მიერ მისი ხელმოწერის დღიდან და მოქმედებს **2013 წლის 31 დეკემბრის ჩათვლით**.

8.2. მხარეთა შორის სადაო საკითხები წყდება მხარეთა მოლაპარაკების გზით. 30 დღის განმავლობაში შეთანხმების მიუღწევლობის შემთხვევაში საკითხს განიხილავს სასამართლო.

8.3. ხელშეკრულებაში დამატებების და/ან ცვლილებების შეტანა შესაძლებელია მხოლოდ წერილობითი ფორმით მხარეთა უფლებამოსილი წარმომადგენლების ხელმოწერით.

8.4. ორივე მხარე უფლებამოსილია მოშალოს ეს ხელშეკრულება ცალმხრივად, თუ მეორე მხარე ვერ უზრუნველყოფს თავის ვალდებულებების ჯეროვან შესრულებას ან მოქმედი კანონმდებლობით გათვალისწინებულ სხვა შემთხვევაში, რაზედაც მხარემ უნდა აცნობოს მეორე მხარეს 10 დღით ადრე.

8.5. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

8.6. ხელშეკრულების შეწყვეტა პირობების დარღვევის გამო არ ათავისუფლებს მიმწოდებელს ხელშეკრულების შეუსრულებლობისათვის გათვალისწინებული პასუხისმგებლობისაგან.

8.7. ეს ხელშეკრულება დადებულია სატენდერო დოკუმენტაციით, განზრახვათა შესახებ ხელშეკრულებითა და გამარჯვებული პრეტენდენტის (ამ ხელშეკრულებით – მიმწოდებლის) ტექნიკური დოკუმენტაციით გათვალისწინებული პირობების საფუძველზე.

მხარეები არსებითად ეთანხმებიან ხელშეკრულების პირობებს და ყოველივე ზემოთქმულის დასტურად გააფორმეს წინამდებარე ხელშეკრულება საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს.

შემსყიდველის მხრიდან:

მიმწოდებლის მხრიდან:
